



恕堂詩卷之

壬午

舊雨集上

瀛海 宮鴻曆 酉錄

題汪東山太史南浦送行圖

班生此去是登仙
舊雨臨岐亦黯然
千佛名經書第一
訪君何處大羅天

吳西齊部曹移居孫松坪太史用香山欲與元

八卜鄰韻志喜率和二首同王雲岡作

步屨閒坊意最親
元和二老恰前身
借來槐影三分月

償與藤花一倍春

松坪住古藤書屋西齋新居相接庭有古槐一株

聽講常因張鏡坐贊

詩莫學長康鄰道南
惟我蕭條甚隱几
焚香一散人

宦路名場竟孰親那堪浪用不貲身昏燈逗壁三更雨
濁酒過牆一笑春祭竈迎儼修故事割鮮分肉約通鄰
相看莫認雞豚社咫尺青楊巷裏人

東顧晉裴大行

丹霄路上擁征車玉節金麾領職初倬直暫消閒歲月
采風還補舊蟲魚堂前鶴髮初操杖膝下龍駒已愛書
柏府梧垣容易到漢皇前席待嚴徐

新城公席上食琴魚以題爲韻同湯西厓楊耑

木周漁璜史蕉飲高章之諸先生賦

蹋浪人何處湖干赤鯉沈延緣漁父唱彷彿水仙琴薨

尚森鱗鬣鱸應漑釜鬻故鄉足鮭菜操瑟擬南音

曾是神仙騎休誇婢媵魚無爲添藿菜聊用佐萼菹下
豉鵝毛細堆盤鹿角如閒來箋爾雅生白夜窗虛

爲甯觀齋太史題秋江圖

葦岸蘆洲燕尾分片帆輕卸溼吳雲角聲吹徹漁歌晚
并入通中枕畔聞

船窗吟倦意忪惺一水揉藍拂遠汀客舫若無桃葉妾
遠山那學兩眉青

飽飯推篷秋色裏鮓魚菘菜桃花米櫓聲呶啞水雲平
涼風燕子孤飛起

新城公帶經堂圖

取杜詩細雨荷鉏立
江猿吟翠屏畫小照

新秧鍼水小麥熟翳桑張王葉初沐十畝縱橫鵲山麓
荷鉏意行春水涯飯顆笠子平兩眉野人指似農圃師
墟中炊煙迷遠樹細雨清猿江上路獨立微吟浣花句
漁洋夫子列仙癯經學欲抗兒大夫 宸章入手千明
珠一蓑煙雨菟裘暮留與人間作甘澍有夢歸飛華不
注官中問訊到山阿藥苗菜甲青春多滿川膏澤今如
何

新城公放鵬圖

人生頗厭事事紛神屢疲而或偶無事寂莫生餘悲取

譬入籠鳥局縮憐羽儀開籠得放曠復恐羅網縻貧賤
憂惱緣富貴危懼資閒忙兩不可徒為造物嗤卓哉王
夫子心閒得所宜鐘鼎與丘壑何地分成虧不同乘軒
鶴俯仰隨人羈不同爰居鳥鐘鼎乃眩疑澤雉五步飲
冥鴻千里期苟能齊萬物卷舒天相隨方當大鵬運忽
憶斥鷃飛扶搖信可託枌榆非所譏謝公歸夢熟東山
有遐思白傅八節灘頻詠懷歸詩軒冕儻來寄至樂寧
在斯心方與天游和之以天倪適觀鴻臚筆綴以曼衍
詞用告風波民放鵬宜可師

宴席散後亮工以詩相調依韻奉答

悵卷晴波似導淮醉餘自笑口喋嗑莫辭隔坐杯百罰
絕勝離居天一涯樂聖竭來傳令甲酒監裏許旋除差
野人爭席緣何事要引新詩到客齋

愛日堂詩爲陳乾齋學士賦

御賜堂額韓宗伯作
記學士有紀恩詩

星雲麗文梁虹電射華屋問茲胡以然
奎章炫高目先生直廬彥才名滿玉局敬慎結
主知恩顧亞鈞軸悵望白雲遠敢云賜休沐
昨昔侍披香花磚映晴旭
綈几寶跗光揮灑落珠玉方將
賜堂額得請悵所欲我聞夏殷周養老典文沃袒割乃乞言
哽噎必親祝教孝以作忠前喆有芳躅斯禮豈苟然藉以敦薄俗
皇華

送去轍將母勞還轂於焉卹乃私一一投款曲

陛下堯舜君推心置人腹公乎遭明良得路先鴻鵠難
老錫自君遠過三釜祿我來瞻

御書再拜啓瑤櫝綾文滑如水偃波漾新綠霍霍走雷
霆光燄騰尺幅牽若藤絡崖點若石轉麓秀如花笑日
勁比矢沒鏃烏頡而魚頡萬靈自奔伏豈惟顏柳慙而
亦義獻服摹碑采貞珉製額選文本坐見廊廡間煜耀
神光燭宗伯今昌黎高文初削牘公爲紀恩詩寶之當
貽穀南陔將竝傳白華亦兼錄斯人盡人子林林萬其
族願公騰萬本徧賜及遐隩人人心開張還顧念鞠育

不獨親其親三古盛可復誰無孝養志爲世作嘉告

荔枝酒新城公席上同賦

海山仙人十八娘絳紗中單紅錦裳炎風吹衣肌雪白
火齊徑寸懸明璫椰子檳榔同一國南北盧楊儘麤俗
渴飲三危寶露珠飢餐北里紅蓮粟朝騎青鸞渡海水
海上頽霞幕天起索郎相遭成莫逆解衣躍入冰壺裏
壺中日月易銷磨換骨洗髓顏微酡醉來失却玉條脫
化去唯傾金叵羅響泉風吹蒲桃綠釀泉瀉缸不須麩
揉雲爲粉冰爲花玉妃已當包茅縮姑射仙姿堪俎豆
松槽葛囊壓五斗遂有緗枝百琲珠幻作芳筵一尊酒

日炙雨淋不成腊雪打冰封到京邑白玉爲粿恨不香
清霜熬餈難比白醞酸蜜甜那可嘗生民以來無此方
酒經一卷偶收得更跨儀狄陵杜康我食破硯行久淹
司寇席上纔醉霑公方爲世作薑桂愛此森森正味嚴
八閩我舊經行處歎息空枝風葉舉圻泥忽見鴨綠波
流涎已到鵝黃乳噫嘻永元天寶幾變更伯旂林甫殊
譏評但得一飲盡一石不向紅塵問側生

哭家七兄

淚落青衫似綆縻誰傳惡耗到京師對牀夜雨更無日
酌酒荒原空有期病裏日逢庚子讖生前年值甲辰雌

陟岡不盡人琴感
啓篋重看贈別詩

梨棗追歡束髮初
燈幃同授鯉庭書
一經教子心應切
三釜榮親望轉虛
縱令養松無觸鹿
空悲銜索有枯魚
泉臺知更論疇昔
怪我常乘下澤車

燥吻操觚比斲輪
一枝仙桂取無因
文章劣敢嗤餘子
才技分猶了十人
臘後自篋鄗縣酒
雨前新淪建溪春
檐花庭草關心處
肯爲浮榮絆此身

蠻觸虛名儘繆悠
鴻毛何足抵山丘
逝將披裘七里瀨
歸去釣魚三石頭
騏驥暮齡心未已
壑鹽早歲鬢先秋
嗟余空抱鴿原戚
易水蕭蕭雙淚流

不爲處士臥雲菴
柏子天花靜裏叅
魚鳥沙彌情最適
軒裳叔夜性何堪
幽悠有疾同支父
物化無端哭老聃
當代風流消歇盡
過江何處聽清談

說有談玄拄箭鋒
漳濱病後臥高舂
目盲自分同張籍
鍼術人誰是慧龍
脫口成詩天籟發
觀空得妙俗情慵
維摩丈室苔紋碧
問世應無法眼宗

蠟鳳鳩車少日嬉
棗枝分種有榮萎
孝寬庭已羅長戟
宣遠門猶隔短籬
共被未逢同氣樂
曬禪長與俗人嗤
莫從皮相論時事
鵬鷄高低亦等夷

憶從蠹粉斷雌弦
何肉周妻一例捐
未辦樹封營葬地

誰分兒女助婚錢山丘零落悲今日中塵從容憶少年
幸有官奴解文字他時家集待重編

洪秋山燕京酒人歌次韻奉答

狂風吹沙如卷席天街騎驢迷咫尺浣鬚薰面衣衫黃
元規塵污遮不得竭來蕭齋尋我友悵談指馬論堅白
宵深燭跋忘坐久酒盡杯空猶屢吸三年不鳴寧鑄錯
十擲輒韃何用惜長年經史學蠹魚未如酪酊酬歡伯
書生萬卷將底用公侯一字何須識世方賤士以儒戲
毛錐不料弓槊敵馬遷儒俠方竝傳寧辨璠璣與燕石
蒙叟著書極俶詭卮言日出無留跡胠篋發冢各有道

便引躑躅同肝膈信知仁義等蘧廬譽儒毀墨何其癖

有口聊可飲醇醪安用中宵頻反側蘇臺顧丁甥似舅

顧迂客
丁桓審

脣齒因依寧落魄丹霞得酒且歡喜石帆銜杯先

怪叱

洪丹霞
龔敬立

嗑嗑百觚醉鄉邇陶陶十日愁城克長洲太

倉兩鉅公座中頗聞有此客分日招邀飲文字遂令儉

腹露膏瀝詩亨何妨身暫窮客喧坐覺心逾寂聯珠綴

玉出新句似聽琴笙屏箏笛縱指清淮作故鄉猶恨大

江限南北何當挈伴吳閭來朝醉西田暮寒碧

張實存大行送酒

一尊豈易對賢人北地年來不飲醇宣武舊誇京口酒

桓宣武曰京口酒可飲兵可用見晉書

季鷹初致甕頭春未同舉瓊浮桑落已辦
當筵漉葛巾獨酌每憂清興減篋輿經過莫辭頻

西郊送客因過友人寓留飲有作

歸途車馬正如流忽復瓊酥瀉玉舟未便傾杯譏陸玩

聊將看竹比王猷眼中但覺逢人耳

用王惠語

座上曾聞此客

不知是尚書期會少任教車轄井中投

詠柳同汪文升安公劉介于賦

春風無力困游絲腰轉眉顰鬪豔姿履道坊邊休按舞

樂天家自有楊枝

五株桃謝草芊芊折作長條滾作絲等是東君留不得

青榆空費買春錢

一曲驪歌酒未醒麴塵遮斷短長亭如何飛絮霑泥後

又與銀塘作水萍

花朝詩仿長慶體同高軼之庶常賦

生雖云百年晝夜數已均晝作夜則息及半空逡巡一

年三百六不滿百日春春早寒磁骨春暮花飄茵中春

三十日風雨時兼旬今夕是何夕和煦良佳辰池柳舒

青眼岸桃膏朱脣及此不行樂司花應笑人坼泥淪南

酒糝薑烹北珍花前一醉倒餘杯酌花神

雲林墨跡殘缺王麓臺先生補綴完好屬題

煙雲過眼無留意名畫通靈誰可閱素絲斷作蝴蝶飛
秋蚓還餘幾行字王君潑墨爲補圖妙筆直似追亡逋
迂老詩中原有畫神治不必重開爐誰從書畫辨源流
當年道子悲朱繇此圖亦怕雲林笑屋角殘山已被偷

張平山中丞席上次韻有贈

一顧還愁一國傾娉婷瘦影照寒檠憐余摘向風塵久
尚記飛瓊舊姓名

蕭齋獨旦底心情一瞥驚看玉雪清欲發狂言吾未敢
覷人柳眼罵人鶯

述情感事一百韻秋試後呈諸前輩及同學諸

君子

載世書編富傳家禮教殊篇章歸大雅閱出中衢緗
素文猶燦丹青色不渝鯉庭晨授簡鱣席夜研朱作賦
輕邢邵論經陋摯虞下帷呼傳癖戴笠喚詩癯企踵鄒
枚馬差肩顧俊廚九流存默契八表握冥樞騁辨談三
耳爲庖解大軻揚覃詩下武歌哭易中孚朝野情雖隔
雲霄望豈孤訂交忻季諾赴義樂顏趨鉅鹿常沈釜殺
函乍棄襦才寧甘楚放士久習秦拘不作工顰女依然
悅目姝私門曾少合公道詎多誣賈勇空投石爲園不
剖觚身雖淪草莽心頗薄羶腴抗志追騏驥徵才止構

文堂言卷之九
九
櫨衣還裁薜荔網只漏珊瑚桃李徒心豔蒲萄祇自斟
懷芳仍樹蕙辟惡且囊萸樂奏遭天醉箋飛動帝吁歸
愚堪策蹇遺世願乘桴種菜真聊爾思蓴亦信夫檀樂
摧綠箭蹀躞減青芻曠蕩游方始悠幽疾稍蘇難兄雙
畫戟穉子半通符就食熊渠國維舟大冶湖湓城過信
宿閩嶠步崎嶇土物窮奇變山川足怪迂布帆風片圻
油幕雨繩麤道遠同飄梗心空似朽株夜香熏辟蝨朝
飯飼檣烏有酒還消渴無錢得免愚逐邪驅木客醫病
問柴胡等是忘機者曾爲欲富乎勞心煩極眺悅耳少
清娛運薄悲雞肋星周害烏帑邀歡方倏忽牽悶又斯

須誤說龍堪豢長愁鳳可笈箏彈桓叔夏弦佩董安于
申呂成戎首屏原即咎徒無心留芥蒂何處辨清污兔
笑罹羅雉蟲驚結網蛛牛衣添蓄縮羊坂重憂忤入險
爭投旆中流競索壺車迴惟效墨冠溺竟緣儒躑躅行
榛莽扶攜過淖塗十州鑄已錯一擲采偏輸空抵藍田
壁虛求合浦珠翦翎儕露鶴啞食侶晨鳧蕩漿趨江膺
爲裳圻海圖折肱宜短馭駑足畏長途書卷青箱蠹林
園碧蘚蕪田荒艱蟹稻歲惡少魚菰腰斧遵桑陌肩鉏
踏芋區蓬頭兒索飯赤幘吏催租坐見荆枝瘁難言棣
萼敷末由滋木本可得望葭莩門外逢長狄沙邊聚短

狐旱苗期潤槁病葉急噓枯忌不移飄瓦危難守覆盂
踈躡鑑寒井踊躍出洪爐幸不排牆死猶聞隔牖呼絕
裾離故國重繭到名都碁敗翻尋劫餅空擬再酤東方
頻賦粟南郭又吹竽寂莫隨魚鳥虛空靜婦姑半生情
落拓千里路縈紆竈火聞炊桂邊風聽卷蘆消閒攻鬼
陣占歲祝神荼暫得天君泰違言我僕痛操蹄求朴朔
彈鋏想姪隅口舌慙齊虜精靈謝楚巫與雲游汗漫類
鷲搶粉榆前輩情殷懇同心力引榆文壇飛筆札宴席
展穉瑜攬鏡知今我攤書見故吾連名鉤酒黨分韻約
詩逋閱世驚蒼狗求賢詠白駒不持齊甌磬欲奪鄭蝥

弧岌岌逢場戲勞勞見獵驅重嗤難畫虎連喝不成盧
霜鏗何遭折鉛刀合見逾人言同貝錦自獻豈瑤瑜纔
作援琴思還增按劍盱逝將歸里巷更不較錙銖客路
心常折羈懷歲已徂禽聲聞格澤藥裏寄文無病矣拖
腸鼠懷哉巨口鱸擁衾心扁扁擊缶唱嗚嗚春雨妻行
菜宵燈妾織蒲鍛眠因近竈醉臥竟當壚老未妨人樂
時還與道俱煖煙梳柳鬢晴日顫梅鬚事業耽魚釣身
名混狗屠對花歌越調把琰作吳歆樂志安衡宇閒情
謝綺襦諸公同肺腑臨別一踟躕

查德尹聲山孫愷似楊耑木季秋圃錢亮工吳

西齋汪文升東山安公先後見過

中酒心情白晝眠足音空谷喜跼然駑駘櫪下難爭路
雞犬雲中自得仙已辨解衣甘後罰不妨拍鼻踵前愆
邇來磊塊消磨盡不用重開瑁璆筵

階蛩聲似不平鳴搔首還憐節序更書卷飄零猶昨昔
酒船浮拍了生平煙霞疾在寧非幸慰藉言多實過情
便與諸君謀釀飲一杯何足較污清

東戴田有李寅谷

書以窮愁紙價增可知造物忌名稱曾爲大匠寧傷鼻
已作良醫更折肱須信舐糠能及米不同煎水欲成冰

白頭見慣傷心事懶散思偕物外僧

得家大兄書

記曾垂橐過淮渦一紙書來憶舊柯但說陳平游道廣
不知庾信旅愁多家鄉久已無賓雁道路何堪乞子鵝
爲向鴿原傳好語菊枝雖老不成莎

遣懷三絕句呈興化公一笑

騎馬登高一破閒霜林好處是西山雲峰十里三霄近
駑足何因到此間

硯滴行枯筆不神尚騎衛子到成均一生事事甘雌伏
何用文章不讓人

草野偏工雅頌音支離未許和虞琴關雎不比淫哇響
且對寒燈獨酌吟

劉雨峰齋中賞菊分得九佳韻同元歎秋圃吉

四作

尚覺新寒淺先移菊上階未須避霜雪可且絕塵霾碧
玉雕香葉黃金折古釵往來三徑熟入坐酒如淮

公幹朝叅嬾微疴得散懷甚耽彭澤酒略破太常齋重
疊名花立蕾騰醉眼措傳聞車馬客縮鼻笑吾儕

喜晤查夏重孝廉

雪泥鴻爪杳難知京洛重逢感別離老去韋編書未輟
年來革帶孔頻移身名豈特工詩力兒祿聊償券酒資
顧我與君同出處倦游久更憶茅茨

分韻骰子同劉介于陸紫緗郭乾爲于宮賦

常隨狎客到華筵紅豆相思種幾年知白安心常守黑
利方刻骨漸成圓頭枰未識樗蒲齒孤注宜輸博進錢
轉躍有神休浪語卞彬十擲十回韃

和高軼之庶常詠園中花樹四首

探春花

客夢還家日幾回江邨雪後綻冰梅正愁北地無花看
爲報東皇有信來寶樹漫誇天上種瓊枝宜向日邊栽

春盤銀勝無消息笑爾風塵爛熳開

白丁香花

霧縠冰綃護月廊輕於柳絮白於霜為歌玉樹玲瓏曲
便稱銀釵淺澹妝未信君遷能結子了知蒼荀不聞香
封姨莫遣天花落丈室維摩舊道場

棗花

長日看花眼更揩棗林纂纂蔽蕭齋風微樹裊香盈幄
雨過陰濃綠上階翠黛漫窺青瑣闥雲鬢輕簪玉蟲釵
我生豈是通侯相歸種千頭計已諧

合歡花

乍看翠蓋落珠璣蠲忿青棠旋種成可但愛花兼愛葉
唯應嘉樹得嘉名別離千里誰無恨草木三生尚有情
我已不才嗟瓠落有誰封殖到南榮

華亭宗卿公叅知公以詩彙見惠賦謝

常看瓦缶鬪黃鐘忽聽鈞天奏曉空仙爪爽堪搔背癢
文心雄可愈頭風珣珉世業傳家集燕許才名竝國工
顧我蛩吟無好句韓門頻過待磨礱

席帽青衫十往迴娉婷常遇鳩為媒忽逢東野低頭拜
便擬平原繡像來伯仲堦簾工唱和東西參佐共追陪
還當手錄橫雲集

大司空橫雲集初刻

竝帙高吟對臘醅

恕堂詩卷之

恕堂詩卷之

癸未

舊雨集下

瀛海

宮鴻曆

丙錄

為顧書宣太史題蔬菜圖

卜居春江濱人外絕塵市蕭齋絲竹木夕陽亂蒼翠三
徑紆有餘更闢十弓地署名種菜翁規作灌園計家有
蔬菽圖畫手至正季

圖為元程
用中筆

流傳四百年古藻發新意

鴨脚葵根庫牛肚菘葉脆菠陵帶鐵甲土酥含露氣白
苴生可噉香萋密如薺寫生紫白莧離立若交翳持攜
到京國緘滕弄衍笥我來一展卷慨焉發長喟古今賢
達人不免口腹累何曾競豪奢敬祖益侈費下箸罄萬

如堂詩卷之
錢蒸餅圻十字家聲永嘉末一瞥已失墜人乳蒸狔肥
花片壓羔膩厚味方腊毒顧我竟何利饕餐固多得穀
伯有餘媿而況官京師故鄉渺天際濁醪雖頻呼俸錢
亦屢匱孺酒炙車螯遠道不可跂那如何東山嘗飽蚘
與蠮不如學老圃身心託靜寄嘉種驗函封一一自緘
記節候看曆日約略四時備燥溼任地宜寒暑從性植
方春生物蒙細雨振幽滯土膏日鬆暖滲漉蘇百卉萌
舒翡翠鉤甲展蝴蝶翅竝穿落葉出植杖各區類編籬
畦微分築圃田再易冒泥呈蕨拳絡桁出爪臂楮雞不
難得菘羔亦易蒔未畢鉏耰勤已作杯盤思去心葵更

生留白糰可菽秋檐絡瓠壺晚塘采菱芰大嚼辭羶葷
小摘便腸胃庾郎未荒唐諸葛寧瑣細欲寶我所珍乃
收人所棄何心戰膏梁聊用伴鹽豉園丁收敗葉易如
拾滯穗瓷餅覆夕幕寒菹佐行饋相如病消渴劉伶苦
洪醉三館傳食籍百物俱可廢豈無黃頷臞未易解沈
痾噉壑才數本飲啜便盡器食品定誰珍適口乃至味
人生多缺略何獨在食事却笑杜拾遺艱難到脯糲空
負詩中豪不及老農智相呼來春江蔬經勘同異

題汪東山太史看劒圖

莊生說劒盡卮言未解飛仙事白猿今日延津龍已化

不須更記刻舟痕

荆鐘君有莫邪銛
媿我神鎚已退尖
躬稼不勞仍佩犢
論斤稱鐵換長鎌

東何屺瞻吳山掄蔣揚孫三同學

詞頭捧出衆推先
院體吟成手自編
寧用鄙言同鮑照
未須屈筆學僧虔
人間未覺煙霄隔
天上其如雨露偏
聞道蓬池官醞美
肯分涓滴到林泉

芭蕉同汪行章賦

點筆烏絲滑推窗綠水侵
遮藏猶有地舒卷任無心
夢榻三更雨風檐二尺陰
相看劇佳興散髮臥苔岑

北食一首和顧書宣太史韻

食薦嗜鼠同一噉老饕說食如志怪
京師方物誰最勝牛肚春菘花葉芥
桑鵝樹雞縱困蠢下箸還愁腸腹隘
蒲桃曾分大宛種甜瓜小摘青門蒂
澤麋切絲生可噉柿盤未霜青已賣
燎毛炙肉增汗駢煮粥和粿消瘰疥
滄州酒冽易醪清那不破除蓮社戒
絲梨蘋果不直錢但愁入市同塵界
書生口腹率止此大嚼曾入官人解
鳴鐘會食日萬錢堂上留賓牀下拜
綠蟻嘗和馬乳桐紅酥不禁朝日曬
鱖魚如牛爨鯽肥玉脍金壺清似漉
熊肪鹿舌紫駝蹄耳目未經同
瞽瞍草茶濃煎點羊酪

劇憐紫筍黃芽派我生湯餅食不慣漫項牢丸聊一悵
翦毛黃羊尾如掌明日菜園愁蹋壞却憶江南雲水鄉
稻田戢戢鱗介紅蓮飯熟魚餐美例進芹蓴揮蒜齏
作客從教滋味薄善飯不愁年力邁會須歸釣東海濱
巨緇百丈看懸牓

再疊韻贈顧書宣太史

博物誰辨臺駘名搜神誰識夔罔怪花田淹貫筆逾老
似擣桂薑入椒芥嗜古嘗到羲軒前開口仍愁雲夢隘
文從揚馬探源流詩亦韓杜連根蒂一家十口食京師
脫粟一囊胡可賣窖冰夏呷少腹疾煤火冬熏無體疥

斗室焚香靜卷簾硯几一一留箴戒衆中默坐意莫測
一瞬已過新羅界葩花弄豔上庭砌壺瓠放藤升破解
客來嘗先倒屣迎車過何曾望塵拜文章正如有源水
不怕炎炎風日曬近來擊鉢出佳句新鮮似吸秋空澗
鐘鏞迭奏鳳音遠風雨颯來龍耳聒天下能詩幾健者
只今首數邗江派憑君講堂豎剡竿凌轢諸方成大悞
我雖不才甘蠖屈門戶豈以緇郎壞誓將歸釣三石頭
親知戶外分魚介薄田自耕雖不給轆釜時時出壘窟
金堂玉室世應有已辨輕裝尋許邁朱公鄙瑣不足云
何須畜牯不畜牯

三疊韻題梁藥亭維摩居士圖

慧業文人世希有成佛生天無足怪鏡空圓澤往來因
密證若以鍼投芥梁侯於今號尊宿十笏何言方丈隘
妙手畫作維摩圖隋盡天花不粘帶會知結習已罄絕
肯爲魔女登伽賣八水浴此無垢人清淨蓮花消粟芥
因緣受愛始於觸無漏定慧生於戒先生內外俱不著
始信清涼同法界即今彌勒共一龕何須參佐分連解
我聞維摩說法日鬼伯蠻君爭膜拜當時福慧兩尊足
光明輪向中天曬何物比似維摩經酥酪醍醐甘露漑
倘見空花定目病若說聽瑩知耳聾嶺南行者久滅度

橫出一枝須法派先生手提諸佛出龍象蹙蹋何其悞
不言乃是不二門昭氏琴無成與壞三吳兩越共星野
見面未得先容介客中讀君筆跡竒竝羨連珠驚倒齷
一官腐穢何足戀駒隙駸駸倏將邁因念西家斷尾雞
不作東鄰穿鼻牯

四疊韻贈高章之太史

冶劍欲集千神靈鑄鼎難逃百姦怪從來大器不世出
下視刀錐真一芥先生文藻萬人敵貫笠汰輶還扼隘
縹帙濃焚熏陸香碧筩清吸荷蕖帶邇來翰林例清苦
除却詩文無可賣頻年入蜀飛使星股脚勞勞生痂疥

還家只寫磨兜銘隱几默誦循牆戒肝膽向人無楚越
賢愚到眼分町界一區宅輸少府錢縱有老屋如官廨
詩神定煩酒脯祭醉侯亦許尊罍拜腐遷盲左分日課
溫暾朝日油窗曬靜中細檢玉笥書渴時便吸金莖漉
坐客常誇衛玠清入俗但學徐公贖有時振筆落珠玉
盡卷銀河瀉高派舉場我怪土牛遲宦路君同天馬快
今年到處雨無極只有淮堤堅不壞菑畬家家飽稔秬
溝塍處處收螺介我歸俯拾仰有取佐食不憂菘與齏
他日八騶倘過我君方壯健吾年邁野人何物誇向君
萬尾烏羊千角糖

寓言一首五疊韻東繆湘芷

識字不問楊雲奇寓言欲志齊諧怪三山蓬萊釣六鼈
五頂須彌藏一芥扶桑柯葉冥靈枝橫生倒插天宇隘
青丘一吞九雲夢眼底曾中曾不帶卓錫名地管窺天
一向癡歎何可賣世人多爲耳目域奇論創獲如爬疥
可憐錢鏗真天死觀井似犯垂堂戒神仙可學亦人耳
官府勞勞居上界星河生榆月生桂定有帝居連吏解
我如側名入大羅玉清上相應超拜柰何栖栖食破硯
一竿牘鼻隨書曬學仙不果願學佛乞得醍醐遺沆瀣
金輪手轉霹靂震驚起世間萬韻贖南能北秀已紛拏

後世誰傳迦葉派不如賦詩更飲酒竿木隨身差足悞
秦失曾弔老聃死塵劫會看丘岳壞垓中蟻鬪螻蛙爭
對之何必分通介裴令一言吾有取隨分魚肉兼蔥齏
癡頑老子世應有造化小兒日云邁我歸君當何日還
一鞭黃犢隨烏犍

六疊韻寄懷唐東江先生

無官不歸猿鶴驚有田不耕魚鳥怪新交難引磁石鍼
舊雨猶黏琥珀芥十年足跡半天下耳目不愁聞見隘
文人才士樓指數零落寒花留病蒂我來槐枝初著黃
長門賦賤何堪賣唐侯寄我長句詩悞如仙爪來搔疥

一蹶猶然望後勁再覆何能謹前戒逆旅冬餘布被寒
直到冰天離色界官倉不分五斗陳道南幸借三間廨
落落辰參隔天末思君何處低頭拜遙知前榮坦腹臥
書篇正及秋陽曬閒中頻聯石鼎句渴時不夢金柈滌
一笑諸孫兩髦垂未覺家翁雙耳聵賤子倦游行當歸
清秋穩泛渾河派蒼蠅不隨騏驥奔羸牛那羨驂騑悞
年來淮壩魚稻賤只恐數椽風雨壞抱茅牽蘿略補治
便操單舸來江介問字重繙滿架書把鉏學種盈畦齏
更煩寄聲定陶長解組歸田等超邁好爲二老賦雲龍
不勞健羨任公牯

送宋葑洲翰林奉使祀南嶽

南正配位勢炎炎作鎮從來小霍灑已啓苞符通朕兆
不從杯玦問靈占行香默導華存駕譜曲新翻黃帝鹽

容齋隨筆云南嶽迎神曲有黃帝鹽
鹽如歌行曲引之類今改鹽為炎非也

更向祝融陪日馭瑞光披拂紫

霞幃

觀諸進士赴宴戲東王方若趙二今錢亮工三

同學

利市襴衫戴進賢看花走馬錦為韉名呼雙隻稱先輩
筵列東西領眾仙唐人分東西
為雙隻先輩吏部春關休給牒玉皇香案
已分箋一經皓首非無謂得路何曾盡少年

題汪東山秋帆圖

忙官熱客故山違常羨冥鴻自在飛却道水銜無箇事
如今也趁一帆歸

五兩風輕發櫂歌看君圖畫想煙蘿蒹葭一水知何處
今夜初程宿潞河

幾度京華執子裾相看佳句突黃初畫來合是詩人相
一葉輕舟滿架書

乍捧潘輿返故扉帆輕風利籥雲飛江鄉秋事吾能說
橘柚青黃稻蟹肥

舍北林塘詩為狄向濤賦

柳絮

河濟楸千章齊魯桑千畝君欲傲通侯闔戶但髡柳
詩夢草堂

池邊草自生江上瑟停弄試喚大卜來舍崩占六夢
款竹步

南山薄薄雷鞭起蟄龍子千燾過母長殺青寫漢史
雙芝閣

九光與七明菌蠢在空谷爲有肉芝紅不茹閒草木
五餘軒

四十四萬言曼倩三冬足君更號五餘何用便便腹

漁唱亭

窗外漁火明葦間漁唱起披蓑蹋浪人疑是玄真子

橘鄉

夏包既有貢漢驛亦有官千奴故無恙那得過淮看

雪堂

飄搖樹間花迷離眼中顯明日嘉賓來試與鋪木屑

題李吉四孝廉停杯一問圖

月落酒杯如潑雪酒波搖碎青天月引杯吸月入詩腸
奇葩吐出聲清越不須停杯來問天天旣愛酒月亦然
五斗一石不停爵好月婆娑共杯酌竊藥孤眠大寂寥

有情却向杯中逃君醉問月幾時醒笑指太白東方高
題楊忠愍公像

人情易脂韋世運賴剛鯁椒山自有膽危行蹈坑穽十
罪五奸疏讀者怒生瘰遺像百世後展拜毛髮凜火色
方上騰蒼間七星炯據几一奮穎逐惡鷹鷂猛明霞照
心迹宿雨滋淚綆

公詩有宿雨千年淚
明霞萬古心之句

百身嗟莫贖三命赫已

凜

制詞褒公有死者不可復生百身莫
贖枉者不可不直三命宜頌之句

危身奉上忠在國逢難愍當

時易名意追悼發深省而公實未死日月耀光景重泉
一坏土碧血金鐵等世如有歐冶願以鑪錘請百鍊鑄
千莫將擬賊臣頸却笑鸞蒿輩瑣碎兩鼃黽腥臊不足

肉轉燭已灰冷留此起頑懦千秋作龜鼎

添丁詩為張志尹太史賦

老鳳翽飛雛鳳嬌謝家寧馨好兒曹他年右衛將軍過
莫向超宗索鳳毛

帝釋何時親抱送不分湯餅到窮賓明年若舉長頭弟
莫忘分箋索句人

東梁藥亭張弘蘧狄立人吳丙儀李文眾李震

為韓祖昭梁喬南許貽孫

翰林俸廩薄今古慨同然督課等兒童下帷蟬蠹穿詎
逃師長責復此衣食牽樂天為學士日給無餘錢戶曹

參軍職得請任所便改官遂大忤置酒羅賓筵誰謂揚
與馬能勝桑與研冰條雖云貴冷署亦可憐待此蔗境
來將隨若教捐劔去不足惜甌破寧復全努力計民社
兆姓方顛連

大兒懋言歸里門

累葉才名冀北空

自先中憲公及中丞兄俱由靜海祖貫成進士今言兒亦然

軼羣今又數南

宮鳳池地縱遺荀勗虎牘文應重陸東繼武前修真盛

事

先太史前癸未出詩四房第十
八名言兒今科經房名次俱同

依流平進亦家風得歸暫免兒

童課神篆天書豈易工

長洲公寒碧齋消夏詩

濯熱行

第一集

炎官馳飈車火雲射高旭九鳥不解羽焚難及草木水
枯黑螭囚金爍白藏伏暫忻伎雨灑旋怵驕陽迫憑几
如探湯束帶若加桔垢積膚理麤塵沓鬚眉禿那如殷
子春禁忌不濯足佟之方水淫一日數往復潘湯祓除
便聊用滌煩熯溽器稱跟肘澡豆潔腰腹伎若仙爪搔
爽比甘露沃披衣坐夜涼櫛髮亦乾浴泠泠肌骨醒清
風襲單縠銀漢落戶外白月照空谷相將沐咸池倒影
騎黃鵠

愛蓮詠

第二集

世間閒草木名稱盡澆詭惟有竹與蓮卓然號君子虛
中性既同直外質相比竹但抱高節蓮乃發嘉榮水塘
六月風旌蓋映朱紫信如名德人巖廊正端委勲庸既
爛熳文藻愈清綺回看傲霜姿遭時分泰否

六一詩分得棊字 第三集

歐公琴酒間一枰嘗相隨初我不解好今略一二知周
天布星宿畫地分津涯方罫靜有常圓子動出奇開奩
辨黑白歷劫分雄雌旅食偶無事逃暑思行棊客來便
忻然坐對聊娛嬉不博宣城官不問一行師先後率吾
意勝負任所宜按圖無忤驥鈔方豈良醫我自用我法

顛倒隨人嗤方當會心時機變關毫釐殺底一丸固軼
道九軌夷孤軍收兩甄隻箭連六麋接要止一瞥投隙
或兩離風檣西南急陣馬東北馳絙木小戎覆旋潭上
駟危師徒有敗屣蹶仆勞撐支長蛇獨健舉走鹿競奔
追乍驚條侯辟遂褰潁叔旗兩雄劇阨苦虎穴交戈幾
城濮師未老廣武軍相持橫身入中堅赤手探蛟螭盡
扣囊底智翻然異成虧我觀天地間何事無嶮巖躁進
自明戒止足真良規古今治與亂成局皆可推好手料
未然劣品受面欺誰云此微技大道默已窺拘迂陶士
行安用投局為

幽蘭八截句 第四集

北窗枕簟透微涼
鼻觀開時午夢長
莫作尋常花藥看
有人解字杜蘭香

司花到處翦裁工
園柳邨桃萬萬叢
猶有一枝空谷裏
與誰相對坐春風

爾雅蟲魚註已忘
離騷草木疏全荒
饒他不作湘纍佩
也自人人愛國香

避霜遮雪歲寒過
始見新葩發舊科
不似蕓菹容易長
一回芟薙一回多

鳳悲麟泣少知音
一操幽蘭萬古心
何限世間閒草木
不曾譜上杏壇琴

茵桂申椒載一車
幽貞何意戀煙霞
空山流水經行處
只是聞香不見花

服艾齊腰浣客塵
洛濱先被不祥人
崇蘭汎汎風光轉
彷彿羅含宅裏春

名花傾國可憐生
解語無言費品評
省識含辭猶未吐
梅妻桃妾一時輕

秋懷八首 第五集

一月不巾韞薄衾
今夜涼晨興步曲池
照見鬚髮蒼頻
年困奔走節序過
已忘忽夢故山秋
迢遞天一方
稂稻

南塘熟蒲葦西邨黃日夕牛羊下水柳吟寒蟹我非車
馬客胡爲去其鄉却望大刀頭浩歌慨以慷
種花滿官舍看竹過鄰居了知非吾土昔人樂有餘況
我江鄉宅十弓寬且舒英英紅芭蕉軒軒青芙蓉方此
秋氣佳雜卉亦滿除舍之汗漫遊自爲計已疎夜臥自
拂簟晨出親券驢安能久處此蒼苔荒故廬

廩秋何所悲撫躬悼前失扶犁媿老農荷戈慙健卒力
不任負擔智難逐什一生平衣食計取資研與筆同學
二三子一一脫穎出外各典州郡內共叅禁密自顧散
嬾材林泉計已必古人亦有言雅志在刪述

高原秋氣肅炎暑不待攻寒蛩聽始惻飛蠅埽已空復
省數日前赤燄何蘊隆天時不少貸人事將無同我生
百年內有塞必有通如聆六律音一一旋爲宮如觀五
行運更代成天工固當安命分弋獲非所蒙

游塵蔽秋原擾擾看路隅達官軒車過細民負擔趨貴
賤楹與筵要爲名利拘我本澹蕩人因事隨人驅不能
無所營要亦斯人徒輾轉夜方長蕭條日已徂安心豈
無法役志非良圖不如理書冊兀然對酒壺

新沐頭腦輕孑居悵無偶起歌獨酌謠頽然進一斗對
月三人俱佳句脫諸口固知濁醪理與我周旋久君看

聲利人奉身一何厚
剗山作石椁能事死
不朽珠襦與玉匣
百需亦百有寂寂
嵩邛間但少一杯酒

造物能勝我有生
百憂沸一念倘不動
我能勝造物委心任
大運進退鮮所怫
庭前安石榴入秋尚
披拂甲厚葉有稜
紅衿皺可慰絕憐
木槿花日暮隨飄歛
久暫皆定分何關
枯與苑萬物苟可齊
韋帶比華絨

海運徙南溟扶搖路
三千一枝巢深林
飲啄亦翛然鷦鷯
非獨拙鯤鵬非獨
賢貧賤固大患放
蕩隨所便富貴豈
不好側身防擠顛
讀書不近名默坐
非逃禪秋風撼高
樹秋月照古泉此
時達士懷何有塵
堪牽

又來館招集拈韻二十字見贈即用原韻留別

兩峰秋圃方若吉四喈文竝呈興化公

襍被來京邑枌榆隔故鄉
潔除同袂洛汗漫類浮湘
未覺天衢遠難諳世路長
跣踵仍櫪下骯髒又門芻
月旦懸門籍年華誤舉場
徵歌無玉樹蠲忿少青棠
便鬻桃花馬還披薜荔裳
失林甘澍落得地肯游揚
重媿鄉先達頻呼舊輩行
商飈聲淅淅白日路荒荒
坐傍淮山桂檐低汶水篁
招邀寧暇嬾哀樂豈相妨
別緒詩成劇憂端酒在忘
平交從爾汝倚醉任清狂
會合休辭數深宵未遽央

野客叢談未渠央渠其遽切當呼遽只此一音讀作平者非也

程隨煙郭遠帆趁晚秋涼

落月縈懷抱蒼葭入杳茫潞河停桂權魯道插萸房息
意栖廬舍何心露景光河梁明發意雲水正相望

留別查聲山勵南湖兩太史

法書奇倔等兼金好句流傳滿禁林南國傳昭稱學府
北州元晏號書淫朝看龍躍宮池潤夕見雞棲苑樹深
此別雲霄非望及肯傳珠玉慰蓬心

過東昌作

磬磬鴻鴈滿城闐往日高原問水濱是處贏糧求橡栗
與誰持節發倉困泛舟久下行糜令冗食應周避水人

漢成帝紀百姓避水他郡國者所在地方冗食之冗散也

淮海安瀾今幾載感時思舊有餘辛

斜橋春社圖爲丹霞題

將過寒食一百五社公歸來三日雨買魚提榼祀伊耆
眼底斜橋風俗古土鼓坎坎歌嗚嗚兒童翁媪前後趨
簞瓢散野人徑醉烏鳶亦得爭殘餘幾載京華行偏側
素衣漸化緇塵色美游端不如惡歸讀君此圖三太息
鴻臚妙筆能寫生尺素宛似粉榆邨笑君無田不耕穫
亦從野老分雞豚明年扁舟來谷口繫纜斜橋五株柳
縱令蟻鬪耳能聞亦盡君家春社酒

諺謂社酒治耳聾

小舟至任城作

客舟淹蹇費居諸換得輕舠一葉如織廢那能同屋宇

椎蘆聊可作蘧篛

椎蘆作蘧篛不成文章古童謠句

維摩詰室何云隘船司

叶入聲

空官亦強除略喜兼程風力快任憑人笑乞兒車

舟泊任城訪張孝先觀察不遇

奚囊已罄辦裝錢尚隔江邨路一千肱篋人多非樂土
雅春聲少是災年遙看嵐翠浮眉際漸有鄉音到耳邊
謁客不逢三日住書生何事不迤邐

舟中九日同崐霞作

風卷飛蓬欲上天維舟終日費饔錢登高不到商飈館
作客還同畫鷁船把酒臨流招顧兔食魚留額飼銜蟬

三輔波錄鯪魚肥美諺云寧去累世宅不去鯪魚額

醉鄉恰到無何處一枕寧知大小年

喜晤團雲蔚沈興之緝之顧湘靈

下馬衣塵未浣前聯翩舊雨到門前知君欲讀郊居賦
顧我慙無樂志篇老馬識途成一慨浮雲過眼又三年
爾來隨事容閒嬾興在西邨載酒船

癸未仲冬奏其九姪新齋落成牡丹盛開詩以

志喜

惠施五車將底用夜坐蕭齋聞雒誦赭山伐木起書堂
牙籤甲乙連高棟司花翦裁花樣新冒寒散作人間春
嚴霜酷雪那相負一枝濃豔陪松筠落成頌禱例自昔
過盡三冬寒徹骨宮花壓帽又明年酷酒先招作詩客

恕堂詩卷之

恕堂詩卷之

